

Ein schöne glatte Haut wider zumachen/ haben etliche sich mit Er-
beiß/ Bonen/ Mehl vnd Honig im Badt gerieben / oder mit Wasser
von Pomylien/ von Weißwurz/ (Sigillo Salomonis) distilliert/ son-
derlich vnder die Augen.

Vnguen-
tum de
butyro.

Wann die Hundts- oder Schafblatern oder die kleine haubende
Kindtsblatern vbel gebrennt haben vnd hoch herfür kommen seyn/ vnd
gute Guppen gewonnen/ vnd nun seyn auffgangen/ daß Blut vnd Uiz-
ter vßgeruñen/ hab ich frischen vnd newen Butter lassen vff wasser gieß-
sen/ denselben wol mit Rosenwasser etlich mal abbären/ zu einem weiß-
sen Sälblin/ vnd also bey der Wärm diese Blatern vnd Rufen damit
salben lassen/ seynde ihu baldt wie ein Brand geheylt. Vnd die Brand-
sälblin seynde am besten zu diesen Blattern/ doch sollen sie warm anges-
strichen werden.

Lustrum
salidum.

Von wegen der jungen Kindlein/ die solche Blatern vbel im Mund/
Gaumen vnd Nasen plagen/ wo solche blatern stehen / es sey in Augen/
Mund/ Nasen/ soll man sie mit frischem warmen Milchraum salben.

Oder man soll nehmen Rosenhonig/ 1. Löffel voll / gezuckerten Al-
laun vnd Gerstenmehl/ an. $\frac{1}{2}$. φ . feine Zäpfflein von subtilen Tüchlin
machen/ in diesem Sälblin umbwelgen/ darnach in die Nasen stecken/
heylt vnd lindert.

Oder \mathcal{R} . Rosen öl $\frac{1}{2}$. Lot. new Butter 2. φ . zerlassen/ vnd die Blas-
tern damit salben.

Oder \mathcal{R} . Rosenwasser/ thu darein ein wenig Glett vnd Bleyweiß/
wasch diese Blatern damit.

Summi-
iatus ro-
buris.

Aber in Mund soll man diß nit brauchen/ sonder ihn wol offte auß-
gurgeln/ Nimb die Gipffel von Brombeerstauden / sieds in Wasser/
in diesem Wasser waich Rüttenkern/ damit wasch den Mundt auß.

Fratter
Hals.

Man mag auch ein Tuch vmb ein Finger winden/ damit außsäus-
bern. Wann der Hals voller Rufen vnd Schrunden wirdt / die sehr
wehe thun/ so salb sie mit gutem Milchraum/ der lindert sie.

Von der Gelbsucht.

CAP. XXIV.

Gelb-
sucht.

Die Schulen Arzt schreiben von der Gelbsucht / daß sie mehr
ein symptoma, als ein morbus sey/ vnd sey ein gailinge ober-
lauffung